

Disputatio
DE MVTVO,

in qua,

ADIVVANTE ET FAVENTE DEO,

PRAESIDE CLA-
RISSIMO VIRO, DOMINO HEIN-
RICO BOCCERO, I. V. DOCTORE, PVBLCI EX-
ercitij gratia, in Auditorio I. Ctorum, 9. Apri-
lis, hora consueta, pro ingenij viribus
respondere conabitur

M. PHILIPPVS ENGELHART
Tubingensis.



T V B I N G A E,
Excudebat Georgius Gruppenbachius.

CLD LD XIVC.

NOBILITATE VE-
RA, ANTIQVA VIRTUTE AC
FIDE, DOCTRINA SINGVLARI, MAGNOQVE
plurimarum rerum vsu præstanti-
bus ornatisque viris :

DOMINO FRIDERICO
SCHYZIO: ET DOMINO IOANNI MO-
SERO: I. V. Doct̃oribus consultissimis, & Illustriss. Du-
cis Vvirtembergici Consiliarijs prudentissimis: Do-
minis & Patronis suis summo studio
reuerendis.

CLARISSIMO ITEM VIRO, DO-
MINO M. LEONHARDO ENGELHARTO: GYM-
nasiarchæ Vvirtembergico: Patri suo caris-
simo & exoptatissimo :

OB BENE DE SE MERITA, GRATI-
tudinis & officij causa,

M. PHILIPPVS ENGELHART
D. D.

Disputatio

DE MUTVO.

PROPOSITIO PRIMA.



Vtuum; siue (quod idem est) mutui datio, est contractus reinitus, de quantitate data, in eodem genere, non specie eadem, reddenda.

II.

Quantitatis vocabulo significantur res, pondere, numero, vel mensura constantes: non tamen valor aut æstimatio, sed summa illarum.

III.

Diuisionem autem mutui, à gl. & Dd. traditam, qua aliud dicitur ciuile, aliud naturale tantum, aliud ciuile & naturale simul, planè reijcimus.

IV.

Si quis tamen mutui species requirat, ex eo petendæ & constituendæ forent, quòd aliud consistat in pondere, aliud in numero, aliud in mensura.

V.

Mutuum dare possunt Domini rerum, qui consensum præbere queunt, suarumque rerum administrationem habent.

VI.

Nam in mutui datione, ipsum dantem Dominum esse oportet: vnde, si fur, vel quis alius, rem tibi alienam credendi animo dederit, accipientis non faciet;

nec eam condicere à mutuuario poterit, nec etiam à fideiussore, nisi eam in stipulationem deduxerit.

VII.

Pupillus quoque sine tutore, item furiosus, & prodigus (cui licet iure communi scripto ipsa lege bonorum administratione interdictum sit: ex communi tamen Dd. sententia, quam praxis obseruat, & iure huius VVirttembergiaci Ducatus, quamuis reuera notoriè prodigus sit, tamen ad effectum, vt bonis ei sit interdictum, sententia declaratoria requiritur) mutuum dare non possunt.

II X.

Si tamen pecunia aliena, vel quam pupillus, furiosus, prodigus, quasi mutuam dederint, consumpta sit, vtilitatis causa receptum est, vt mutuum concilietur: sicut, si debitor tam diu pecuniam possederit, vt eam vsu ceperit: Et his casibus fideiussor acceptus tenetur.

IX.

Non solum autem nos ipsi, sed & alij pro nobis, mutuam dare pecuniam possunt. Si enim meos nummos tuo nomine dederò, vel tuos, etiam absente te & ignorante, Aristo scribit, acquiri tibi conditionem.

X.

Quòd si absentis pecuniam, nomine eius mutuò dedisti, ac reprobato nomine mandatis actionibus experiris, præses prouinciæ iurisdictionem præbebit. Idem, si cessare mandatum animaduenerit, vtilem tibi aduersus debitorem actionem eo nomine non negabit.

3.
XI.

Filius quoque familiās, & seruus, nummos peculiare mutuo dantes, patri, itemque Domino mutuatarium obligant.

XII.

Quod si mutuam accipiant pecuniam Administratores ciuitatum, eatenus obligantur ciuitates, quatenus in Reipub. vtilitatem pecunia versa est: alioqui ipsi soli, qui contraxerunt, non ciuitates, tenebuntur.

• • XIII.

Creditor autem probare tenetur, in vtilitatem ciuitatis versam fuisse mutuam pecuniam: Ad quam probationem ita peruenire poterit, secundum Bart. si administratorem interpellauerit, vt is liti contra ciuitatem motæ assisteret, & versionis probationes suggereret: vel, si officium iudicis implorauerit, vt administrator cogeretur ostendere, quod perueniret mutuum.

XIV.

Similiter obligatur ciuitas, si eius consilium omnes ciues repræsentans, mutuam acceperit pecuniam: non etiam si Consules atque Senatores tantum pecuniam mutuo sumpserint: nisi illi omnes ordines repræsentent, & de quauis re statuendi, sine aliorum conuocatione, facultatem habeant.

XV.

Ijs autem casibus, quibus ciuitatem obligari diximus, ipsi ciues non singulariter, sed in vniuersum obligati sunt, ita, vt executio, non in bona singulorum, sed in vniuersitatis bona fieri debeat, nisi ob

causam necessariam Magistratus singulos ciues obligauerit.

XVI.

Si tamen bona communia non sufficerent, Magistratus, indicta collecta, ut in commune tantum conferant, quo æs alienum exolui queat, ciues licitè cogere potest.

XVII.

Non autem in solidum singuli ciues, sed pro virili saltem obligati videntur.

XIX. *

Filios familiæ mutuam pecuniam sumentes, S. Ctm. Macedonianum obligari vetat.

XIX.

Quod si filius fam. pecuniam mutuatus soluerit, patri, nummos vindicanti, nulla exceptio obijcietur: sed si fuerint consumpti à creditore nummi, Marcellus ait cessare conditionem: Iulianus verò, patri ex omni euentu conditionem competere affirmat, & rectè quidem, præsertim si creditor mala fide nummos consumpserit.

XX.

Pupillus infantie proximus, mutuam pecuniam sine tutore accipiendo, ne quidem iure naturali obligatur: nisi locupletior eo contractu factus sit.

XXI.

Pubertati autem proximus, licet non factus locupletior, etiam sine tutoris autoritate naturaliter obligatur: at locupletior factus, etiam ciuilitè tenetur, ex rescripto D. Pij.

XXII.

Similiter & pubes minor 25. annis, si absque curatoris

toris sui consensu, mutuam acceperit pecuniam, non obligatur, nisi in quantum locupletior factus fuerit.

XXIII.

Quòd si minori, Curatorem non habenti, pecunia mutuò detur, tunc is obligatur quidem, sed restituitur in integrum: nisi creditor eum locupletiore factum probauerit.

XXIV.

Porro, mutui datio in his consistit rebus, quæ pondere, numero, mensura constant: quoniam earum datione possumus in creditum ire, quia in genere suo functionem recipiunt per solutionem magis, quàm specie.

XXV.

Si quoque corpus detur & accipiat ut quantitas, rectè in eo consistet mutuum: veluti, dato grege ad numerum, ut totidem capita reddantur: vel dato pane ponderis certi, ut eiusdem ponderis alius panis reddatur: vel piscibus in pondus datis, aut carne, aut ligno: nam & hæc appendi & mensurari solent.

XXVI.

Præterea mutuum non potest esse, nisi proficiscatur pecunia: unde, si decem deni, & pasciscar ut viginti mihi debeantur, non nascitur obligatio ultra decem: Re enim non potest obligatio contrahi, nisi quatenus datum sit.

XXVII.

Quandoque autem, licet reuera non proficiscatur pecunia à mutuatore ad mutuatarium, tamen profecta videtur, quasi breui siue longa manu data. Nam ex quolibet contractu, debita pecunia, sola pactione
mutua

mutua pecunia fieri potest: & quidem non solum in duabus personis, sed etiam in persona eadem, ex Vlpiani sententia, licet ante ipsum Africanus hoc non probarit.

XXIX.

Si quoque lancem tibi vel massam auri aut argenti dederim, ut eam venderes & nummis utereris, tuque vendideris, mutuam pecuniam esse factam cum Vlpiano asserimus: quamvis ante ipsum Africanus hoc casu pecuniam creditam negarit.

XXX.

Quæ res autem hæc creditur, ea danda est, hoc est, Dominium eius in accipientem est transferendum: & quidem gratuito, sine usuris, non solum iure Divino & canonico, sed etiam ex constitutionibus imperij: item Illustriss. Ducis Wirtenbergenfis.

XXX.

Ex hoc, utpote iurisperitum, contractu, naturalis nascitur obligatio, præbens actionem, quæ vocatur certi condictionio, item actio si certum petatur: Et unam esse certi condictionem generalem, eiusque multas numerari species singulares defendemus, reiecta opinione eorum, qui certi condictionem specialem ex mutuo tantum, generalem verò certi condictionem ex omni alia causa, ex qua certum petitur, dari volunt.

XXXI.

Et si mutui datio non in diem, sed purè facta sit, tamen congruum aliquod repetendi spacium, ex qualitate personarum & negocij tacitè inest.

7.
XXXII.

Ab hac actione, incendium, vel alius fortuitus casus debitorem non liberat.

XXXIII.

Reddenda verò est res credita in eodem genere, eademque bonitate & qualitate, quamuis hoc nominatim cautum non sit: nec creditor ad recipiendum genere aliud, quàm quod dedit, inuitus compelli potest: nisi ut aliud daretur, conuenerit: vel debitor idem soluere nequeat.

XXXIV.

Hinc creditor nouum vinum pro veteri, aut alterius sortis nummos, si ex ea re damnum aliquod passurus sit, accipere cogendus non est.

XXXV.

Hinc etiam nummorum potestate & valore à contractus tempore mutato, non eadem summa eorundem nummorum, sed æstimatio, quæ credita dicitur, reddenda est: Et proinde creditis aureis, si pretium eorum postea decreuerit, debitorem plures aureos, quàm accepit, reddere oportet: item si pretium creuerit, creditor non tot aureos, quot crediderat, petere potest.

XXXVI.

Si tamen contingeret, aureum valere minorem solito numerum solidorum, quòd hi ceperint meliores & fortiores cudi, sufficiet debitori, totidem aureos restituere, nec tenebitur supplere numerum solidorum nunc deficientem.

XXXVII.

Quod si vinum quod mutuum datum erat, per

iudicem petatur, quæstionis est, cuius temporis æstimatio fieri debeat? vtrum cùm datum esset, an cùm his contestata fuisset, an verò cùm res iudicaretur? Et Sabinus respondit, si dictum esset quo tempore redderetur, quanti tunc fuisset: si non, quanti tunc, cùm petitum fuisset: Idem quoque de loci pretio respondit, vt si conuenisset vt certo loco redderetur, quanto loco esset: si dictum non esset, quanti, vbi esset petitum.

XXXIIX.

Etsi autem iure huius Wirtenbergiaci Ducatus, pecunia credita quæ in diem debetur, ante diem, etiam inuito creditori rectè solvatur: Aemil. tamen Ferrer. & Iac. Cuiacius non insubtiliter disputant, iure communi secus esse, licet alij plerique contradicant.

XXXIX.

Neque verò permittitur regulariter, vt debitor, inuito creditori, debitum particulatim soluat.

XL.

Et licet in delictis, debitor, qui non habet in ære, pœna corporali affici possit: illud tamen in mutuo & alijs contractibus non procedit: nisi suo vitio, non fortuna ad inopiam fuisset redactus.

XLI.

Denique creditor, qui ad ædificiorum restitutionem nominatim credidit, ob pecuniam datam tacitum pignus ædificiorum, & in eam pecuniam, quam credidit, priuilegium exigendi habet: etiam iure huius Wirtenbergiaci Ducatus.

9.
COROLLARIUM I.

Pacta stricti iuris contractibus, quale est mutuum, etiam in continenti adiecta, ex parte actoris inesse iure ciuili scripto, negamus.

II.

Negamus item legitima pacta, vt sunt pacta constitutæ pecuniæ, donationis, dotis, Hypothecæ &c. contractus esse, licet obligationes & actiones pariant.

III.

Contrà affirmamus, contractum emptionis censuum, seu annuorum reddituum, licitum & non usurarium esse, siue reditus constituatur in pecunia, siue frumento, vel alijs rebus, modò secundum constitutionem Caroli V. pro centum, duntaxat quinque dentur & accipiantur.

F I N I S.



21 Y. 17